

**MSF COVID-19
NANKIWIN MAAMPII
GAANADA 2020**

Mazinaaziganan akinobiigan: Aanogwi owa MSF maziniginan gagwech gwaa waamadowewog masinichiganan owi mashkikiing eshichigeng zhiwe endinakiwaang, newen COVID-19 zhichigewinan maampii Gaanada bakaaninaagwod zaam owi nankiiwin memdage agii aawon gagiikindiwin miinwaa wiijiginondiwin owi dash gagwek yaakozid gnowenjigaazad. Giizhaa e'bijig mazinaaziganag agii wenaamjigaaziwog awii miigweng mazinichigan e'waamjiwejig ensa bezhig gewe niiwin e'ginwaabmdamiwaad bemaadizijig waajiindiwijig.

Naagidowaad newen nyaagjigaadegin newen mashkikii debwewendimowinan, bikaanenjigesiim miinwaa debendizang, Doctors Without Borders/Médecins Sans Frontières (MSF) nakwetaanaa-aan miziwe kamig akiing bemaadizijig gichi niizaanzag, naadmowaa-aad bemaadizinjin medookdaaziwaad newen miigaanding, gagwaadizijig, aki nishnaajizhiwebak miinwaa aakoziwin mogshkaamigag. Memdage nakiawaad agaamakiing geshkitoswaad awii miigwewaad nendowendaagwog mashkikiwin, MSF aabaji nakwetaan gichi-aakozi omisadaang manijoosh onji miinwaa miskwanzhe miinwaa niigaan agii yaawog bimiikamowaad mogsemigag Ebola.

Owi COVID-19 miziwe kamig aakoziwin aawan gaawii wiikaagagaagadesinag zegendiwin newen bimaadiziwin miinwaa mina yaawin gewe bemaadizijig kina gaata kamig. Amii dash, MSF agii gagaandenimog awii naadmaagewaad miziwekamig, giikinamiwaad naankiwiniaawaw awii digosing akiin gagwech eyaamijig e'shpaaamigag bimibideg mina yaawin gnowenjigewin zhichigewinan. Onaabidin-giijis 2020, MSF Gaanada agii daapinan bezhigong gjizhendamowin awii maajitaatowaad owi nakiwin nakwetamowin maampii Gaanada, ginowaabmdamiwaad odeniwinan memaanji niizaanag owi sweshkaamigag COVID-19 miinwaa newen madookdaagewinan. Nakiwin agii ekwaasemigad Miin-giijis 15, 2020.

MAAJISHKAATONG NANKIWINAN

Maampii Gaanada, COVID-19 yaakoziji agii maaaji mbishkaamigad Onaabidin-giijis 2020, naanidaa owi apii World Health Organization agii waawiindamowaad miziwe kamig aakoziwin. Gichi Gaaming akiin zhaazhigwa agii maaaji waabmdaanaa banaajichigewin e'zhichigemigag owi aakoziwi-manjoozhens. Dinendamowaad owi Canadian mina yaawin naagodowenjigewin gnimaa adaa zaamendaagwod, miinwaa owi netaa aasgaabiwitaagewin gewe negidendamajig enkiitaagejig adaa dowendaagoziwog, owi MSF Gaanada bemaaknigejig agii zhitonaa-aa mamaandawendaagwog gjizhendamowin awii minwaabmdamiwaad nakiwin e'nowendaagwog owi COVID-19 miziwe kamig aakoziwin zhiwe Gaanada. Bangii waajiniakiindijig agii mawaanjichigaaziwog. Naasaab owi apii, bigosenjigewinan agii bagambidenon onji giiwitaakamig gagwedweng MSF ado nigajitowinwaa miinwaa aasgaabwitaagewin awii ombinigaadeg nanaginivinan.

Gikendaagwog MSF gaawii ado ayaanziinaa-aa bimibidechigeng aabajitaawin zhiwe Gaanada awii bimibidetowaad mashkiki nakiwinan, ngii gikendaanaa ndo COVID-19 zhichigewinan zhiwe Gaanada adaa dibasaa, maage awii aasgaabiwitamowaad aarin bkaan nakiwin zhichigewinan. Dash wiigwa, MSF ado gashkichigewinwaa baminzhamowaad gichi niizaendaagwog, miinwaa negidendamowaad wewiib binamowaad misenjigewin owi bimajitowin mashkiki gnowenjigewin miinwaa miniiwisewin

nigaasijigaadeg miinwaa zagakinigaadeg (IPC) zhichigewinan temgag gichi mogsemigag aakoziwin adaa moskinadonaa-aa gichi piitendaagwog nondesewin.

Ngadendamajig enkiitaagejig zhiwe Gaanada agii jependamog awii naadmaagewaad. MSF waaji yaajig Canadian negidendamajig enkiitaagejig, gaawii maamdaa awii zhaawaad miziwe kamig akiing onagimigewinan zaam onji bibaayaang nigaasijigaadeg, newen nakiwinan nendowabmdamiwaad awii masendamowaad ado ngadendamowin miinwaa nigajitowin.

Owi nendamang dowendaagwog owi MSF nanaginiwin agii abi njibaamigad naanaagdowendaagwog newen nendowendaagwog, nakwetamowin dawesing, MSF ado njikewang ankesemigag epiitendaagwog miinwaa gashkitowaad.

Akiinsan minzhawejig zhiwe British Columbia, Northwest Territories miinwaa Quebec agii wenaamjigaaziwog awii zhitowaad endinakiing wiijindiwinan giishpin MSF nakiwin agii minezing. Zhiwe Montreal, waaji nakiindijig agii zhitonaa-aa dabizhiganan newen niiwin gnesh-gnowenjigewin wiigwaaman. Zhiwe Toronto, wiiji nakiindiwinaa owi mashkiki wiijindiwin waaji nakiimaa-aad bemaadizijig e'gwiniwi daajig agaa maajishkaachigaade.

DIBAABIISHKOJIGAADEG CANADIAN NANKIWINAN NEWEN MISIWE KAMIG NAAGAANENDAAGOKIN

Owi nanaginiwin agii nakweshkigaade aangwaamag naanaagdowendaagwog awi dibabiishkodamaang ndo nikaaziwin etemigag maampii Gaanada owi gagwej abi yaawaad bemaadizijig miinwaa zhoonyaa eyaajigaadeg odi gichi niisaanag yaawong gaata miziwe kamig. Gagwejagwa, owi waaji nakiindijig wiiji-yaang zhiwe Gaanada nakwetamowin digoyaawog bemaadizijig gaawii age anii zhaasigwaa miziwe kiing akamig maanda apii. Zhoonyaawin, owi Canadian nakiwin waaji nakiindijig agii miinggaaziwog ntam nda gikenjigewin minik zhoonyaa \$100,000.

Maanda gaawii gichi niibna zhoonyaa gagwekwendaagwod gaawi gichi niibna zhoonyaa ndaa nikaaziinaa agewii zhaamigag gichi gaming, gaawii woshme agenji zhichigengiba dibaamjigwaadeg nendowendaagwog dibizhigaadeg maampii Gaanada. Amiidad MSF Gaanada ado nanaginiwin \$104,200 agii nangidemigad. Maanda minik ngii bagidinignaa awii moski gnowendamang owi minik agaa zhisidowaang aasgaabiwitaagewin newe maziwe kamig kiing nakiwin yaawang megwaach gwa \$60 million owi 2020.

DIGOSIJIGAADEG BEZHIGWAN INENJIGEWIN, DASWEWAANAGIZIN, DAGOYAAWIN ZHIWE MSF ADO NAKWETAMOWIN

Dagwendamang owi MSF ado zhiwenjige nankiiwin, wegwen gwa eshichigeng Gaanada agii zhichigaade awii nigasijigaadeg owi woshme masiwe kamig, nakiwinan maage zhiwenjige bkaanendaaggwog.

Owi naadmaagewin owi MSF Digisijigaadeg Beshigwan Inenjigewin, Daswewaanagisin, Dagoyaawin (EDI) Ojimaa, kina COVID-19 nanaginiwinan maage wiji-nakiindiwinan agii dibaamjigaadenon mina bimaadiziwin bkaanenjigaadeg, misendamang mina bimaadiziwin gnowenjigewin, miinwaa newen madookdaagewinan owi bimaadiziwin-mewizha ezhinaaggwog miinwaa bemaadiziwin-inaadiziwin gagwej

yaawong owi mina-bimaadizing inadiziwin, minjiminigaadeg owi endodaagaazang miinwaa waaji nakiimad owi genwaabmjigaaziwaad bemaadizijig. Owa EDI Ojimaa agii zhitonan naagzowaabmjiginan awii naadmaagemigad waawiindamowaad genwaabmjigaaziwaad bemaadizijig, miinwaa dibizhige nikaaziwinan age nisidwaabmjigaadeg newen gegeti ezhiewbak miinwaa maanenjigewinan gewe bemaadizijig miinwaa waajiindiwijig iniwediziwin COVID-19 zhaazhigwa agaa nakweshkamowaad. Kina nankiiwin waajinakiindijig agii debinaanaa-aa EDI wiindamaagewin miinwaa owa Kiinsing Gichi Niizaanag Minzhwejig (Emcos) agii digosinon EDI nikaaziwinan waajii-emigag owi dibizhigewin izhichigan.

NISASTAMANG NEWEN MENEZING MIINWAA NANAAITOONG MSF ADO INAANGZHEWIN

Apii agii maadsemigag Iskigamizige-giizis, MSF agii asaan Emcos odi Montreal, Toronto miinwaa Vancouver, zhiwe nisiwi memaanji shpaamigag mogsemigag aakoziwin agii temtag. MSF age agii asaan EMCO odi Yellowknife, dinenjigaaadeg awii temtag mogsemigag aakoziwinan zhiwe Gaanada giwedatinang Giizhaa Agaa Yaajig endinakiwaad. Gegaa gwa kina etegin ndo anaangzhewin agii aawan gegeti-agwa apii giikimigewin aasgaabiwitaagewin.

Apii Zaagibagaa-giizis 1, 2020, gajitoong awii awenaamdamang COVID-19-digwendaaggwog dawesinan miinwaa ndowenjigewinan miziwe Gaanada, kina waajinakiindijig agii digoshinog naasaab giizhendamowin:

- Gaanada akiinsing ado mina bimaadiziwin naagdowenjigewin zhichichgewinan agii nendaagodon weweni agii gashkitonaa-aa awii naagodowendamowaad aakoziwinan.
- Endinakiing COVID-19 nenda gashkichigaadeg dowendaaggwad woshme e'nishing biminzhigaadeg zhaazhigwa etemigag naabajikaaziwinan miinwaa enkijig dash owi giikinigaaziwaad minik enkijig nanaginiwingejig.
- Giizhaa agaa temigag zinagiziwinan dibishko gonaa mijim miinwaa daawin gwiinwinendaaggwog miinwaa minewaag zhisewin newe mina bimaadiziwin zhichigewinan agii ani aawan mbishkaamigag COVID-19 niizaanziwin newen niibna odewinian.

Ninda zhiwenige miinwaa mina bimaadiziwin bkaanendaaggwog ada dowendaaggwog gichi-gnesh, izhichigewin naawisijigewin Owi zhawaach MSF gichi niizaanag nakwetamowin, owi ntam nyaagdowenjigaadeg aawan giizhichigaadeg wiinge nendowendaaggwog dabizhigan awii zhinomaagemigag giishaaknigeng miinwaa mazinchigaadeg zhichigewin Maajiiikaadeg moshkin COVID-19 nendowendaaggwog dibizhigewin owi Gaanada gaawii agii gashkichigaadesno dibaamjigaadeg enigokwaag aki miinwaa minewaag mina apii miziwe kamig aakoziwin nakwetamowin. Gnawaabmjigaadeg owi MSF gaawii zhaazhigwa agii bamibidesino zhiwe Gaanada miinwaa dowaabmjigaadeg wiji nakiindiw, ngii penmandaanaa newen endinakiing nakiwinan abi waabmigyaang miinwaa dibajimowaad ado zinagendamowiniwaa miinwaa meneziwaad.

Owi minik gagwedwewinan miinwaa dibajimataadiwinan wewiib ngii giizhendamamin awii agaasinamaang genwaabmdamaang nisiwi nikiiyaa (baamaa ani aankesidowaang niiwin), owi nanaadawi-gikendamaang newen meneziwaad gewe:

- 01.** bemaadizijig e'gwiinwidaajig
- 02.** bemaadizijig endaajig bigod-kamig miinwaa waase kamig Giizhaa agaa Yaajig odenwinan
- 03.** bemaadizijig endaajig gnesh gnowenjige gamigon, miinwaa
- 04.** mina bimaadiziwin nyaagdowendamajig miinwaa e'niigaangaabiwijig enji nakiwaad

01



BEMAADIZIJIG GEKENDAMJIG GWIINWI DAAWIN

- Woshme shpaamigad niizaaziwin owi iniwe-diziwin owi COVID-19 zaam maamowi yaang miinwaa nibaaji zaam baatiinwaad bemaadizijig.
- Nitaa wiisigitowag newen gaagige aankiziwinan ani shpaamigag ado iniwe-idiziwin awii yaamiwaad gichi maanaaji zhayaawad owi onji COVID-19.
- Waabmdaanaa-aa naazhisemigag maage nigaaasijigaadeg izhichigewinan epiichi gibaakogeng gajitowin awii nigaaasijigaadeg owi swebideg aakoziwi-manijoohzhens: shange gamigonaabdeg agii miindim miijim zaagiji shkwaandeming, miinwaa misendamang awii giziibiigizheng miinwaa miizii gamigonsan agii nigosenon.
- Miijim miinwaa endaang gwiinwinendaagwog, minewaag zhisewin newe mina bimaadiziwin zhichigewinan miinwaa wiijiindiwin digoyaasing aawinon gichi gekendaagwog madookdaagemigag owi inendamowin mina yaawin niibna bemaadizijig zhiwe endinakiwaad.

Zegendamowaad awii debinamiwaad COVID-19, niibna bemaadizijig agii nigadaanaa-aa dabinoshamowinan miinwaa agojiing agii nibaawog, memdage gwa eshki maajitaamigag owi miziwe kamig aakoziwin, apii gaawii agii tesnag wenaamjiginan. Zhiwe gichi odeniwinan dibishko gonaa Montreal, Ottawa, Toronto, Vancouver miinwaa Victoria, gichi odeniwinan agii giizhendamog awii nisaakinamiwaad aanke wiigwaaman miinwaa gabeshii gamgon awii naazhinigaadeg minik e'yaawaad megwa etegin dabinoshanang gamgon.

Aaniin ninda bezhigo onendamowin agii ani temigadon niibna giizis gagaandinigaaziwin gewe ginodamaakejig, shkwaa majibideg odeniwing swenigaadeg owi aakoziwi-manijoohzhens zhaashigwa agii maajiishkaanon.

Odi Toronto, wiiji nakiindiwin owi MSF miinwaa Inner City Health Associates (ICHA), owi e'bezhigwong mashkikiikeng wiijiindiwin maagwewaad naagdowenjigewin gewe bemaadizijig e'gwiiniwidaajig zhiwe Toronto, agaa maajiishkaachigaade awii aasgaabichigaadeg newen waasmo biijaabikon bimibideg miinwaa ezhinaagwog owi 400 nibaaganan COVID-19 gibaakogaaziwin wiigwaam. Zaam onji endaajig zinagendamowaad, maanda wiigwaam gaawii agii giizhikigaadesino. Owi waaji nakiindijig agii biimskogaabiwiwog, zhitowaad IPC nibwaachewinan odi dabinoshanang gamgon miinwaa nakiwinan e'aasgaabiwitwaawaad bemaadizijig e'gwiiniwidaajig.

Odi Vancouver, MSF agii digoyaawog dinaangidoniwinan dibachigaadeg nikiiyaa agezhi aasgaabiwitwaawaad bemaadizijig e'gwiiniwidaajig zhiwe Vancouver naanaagwiwiing odonaang Epigishimag nikiiyaa. Neniish gwa Toronto miinwaa Vancouver, waaji temtag wiiji'ewinan miinwaa genodamaagejig agii getinaamiikwaa-an odeniwinan wiiba gwa awii nda'zhichigewaad miinwaa awii nakwetaagewaad - izhichigewin zaam agii beskaamigad aangodinang dash miigwechgwaa owi minik e'debwemigag aakoziwinan naasaab woshme agii dibasaanon dash ntam agaa dinenjigaadeg.

Wiiba nakwetamowin zhiwe Montreal agii tenon ezhinaagwog nishing agaa zhiwebak newen agojiing epiichi giizhigag enji nakweshkidaading miinwaa aanke dabinoshanang gamgon nisaakinigaadeg, miinwaa waankiing baakigaadeg miinwaa nda-gikenjigewin giizhising gewe bemaadizijig e'gwiiniwidaajig Onaabdin-giizis 2020, waa-aa jibwaa miigweng zhiwe gichi niizaanag, Montrel ado gete Royal Victoria Aakozii Gamig agii aanji-zhichigaade awii aawang COVID-19 enji gibaakogong gewe bemaadizijig e'gwiiniwidaajig byaabitojig nda-gikenjigewin maage eyaamijig miiniwisiwin, epiichi Toronto ado niizaanag aakoziwin aajikinigan agii gaanjiebinaawog awii bimiikamowaad gichi mbishkaamigag gichi odonaado gwiinwidaajig bemaadizijig meneziwaad nda-gikenjigewin miinwaa gibaakodiziwaad miinwaa gaawii ngoji yaanziwaad awaa zhaawaad. Giisaaaj, miziwe Gaanada dibaabjigewin woshme awii nistachigaadeg ezhinewak giiwitaakamig gaawii agii tesino miinwaa waawaaj gwa endinakiing dibaabjigewin gaawii agii giigitamaagemigasno.

02



BEMAADIZIJIG ENDAAJIG BIGOD-KAMIG MIINWAA WAASE KAMIG GIIZHAA AGAA YAAJIG ODENWINAN

- Aanimogonaa-aa woshme shpaamigag minik gaagige aakoziwinan e-digosing owi gichi aakoziwin maage woshme nigaa-endaagwo ezheweiziwaad onji COVID-19, e'digosing zizibaakodwaapine miinwaa ososodamwaapine.
- Gagwej agwa daawaad aanke bimaadiziwinan endaang, woshme niibna bemaadizijig daawaad bezhig wiigwaaming, besha awii bwaa yaang aapaji zinagag.
- Gnimaa adaa mineziwog awii debinamiwaad baanagimig nibiish, maanendaagwog awii giziibiigninjiing.
- Zinagad nondesewaad nitam mina bimaadiziwin gnovenjigewin enkiitaagejig miinwaa zinagag debinigaadeg bezhigwayak gaa-izhi-andawi'iwed mashkikiwinini naagodenjenjigewin niibna odenwinan, megwe owi dibasaag owi azhiwenjige zhichigewin miinding.
- Nondesmigag aabajichigan, enkiitaagejig miinwaa misendamang nikaaziwinan owi onji maziwe kamig aakoziwin inaakinigeng, aankesemigag maanendaagokin ninda odeniwinan zhaazhigwa genwaabmdamiwaad.

MSF agii wijiyaawog gamaaminig Giizhaa Agaa Yaajig odenwinan, memdage gwaa awii madookidaadiwaad nikaaziwinan mezinaagin awii naadmaagaaziwadd mina bimaadiziwin miinwaa aanin bkaan naagaanzijig awii azhiitaawaad miinwaa bimiikamowaad COVID-19. Waasamo-asabi mazinaatesijigan dibaajimowinan agii zhichigaadenon newe gagwech IPC inaaknigewinan, owi memdage dibawegendamowin owi COVID-19, miinwaa aanjitoong ezhi nikaazang nikaaziwinan owi COVID-19. MSF agii aasgaabiitwaan Giizhaa Agaa Yaajig Zhichigewinan Gaanada (ISC) awii zhitowaad zhinomaagewinowin gichi niizaanag geskana mbisemigag mina bimaadiziwin aabajichiganan miinwaa miigwewaad waasamo biwaabikons zhinomaagewin newen Giizhaa Agaa Yaajig odenwinan owi zhiitaawin owi COVID-19 gibaakodizang wiigwaaman miinwaa miziwe kamig aakoziwin azhiitaang naaknigewinan.

Aanin newen maanendaagikin MSF agaa naadmaaged awii nakweshkigaadeg zhiwe bigod-kamig Giizhaa Agaa Yaajig odenwinan gegaa naasaab newen MSF agaa waabmdamiwaad newen myaajiishkaamigag akiin zhiwe nikaaziwinan nondesonon, dibishko gonaa zhisjigaadeg waanji giziibiigninjiing tesinag bemijiwong nibiish, miinwaa nikaazang owi ininaanimag nikiyyaa apagiji wiigwaam awii odaakaajigaadeg ezhi bideg nodin.

03



© verbaska/Adobe Stock

Owi gimaawinan awii maajishkaachigaadeg aanjisewinan miinwaa maadookiing gikendamowin agii maanendaagwog. Owi naasaab apii, owi Canadian zhimaaginishag miinwaa Canadian Red Cross agii miinggaaziwog misendamowin, gimaawin miinwaa zhoonyaa awii maajishkaatowaad IPC inaakinigewinan biijji Montreal ado LTC wiigwaaman. Amii dash, MSF agii giizhendam awii gagaandanaa-aan MSF enkiitaagejig gagwek gwa Canadian Red Cross, mbirimowaad ado LTC nakwetamowin zhiwe Montreal, memkaach dash minaashkamiwaad ndo nankiwinan. Zhiwe Ontario, owi MSF COVID-19 nankiwin waajnakiindijig agii dikobiziwog owi waajjindijig LTC wiigwaaman miinwaa agii aasgaabiwitwaa-aan nikaaziwaad giikmigewin giigidowin miinwaa waasamo-asabi nakweshkidaadiwinan, maadokiiwaad agaa zhiwebiziwaad bimiikamowaad newen zegendamowinan miinwaa gwiiniwinendamowinan agaa nakweshkamowaad apii bimiikamowaad mogsemigag aakoziwinan dibishko gonaa Ebola miinwaa gichi-aakozi omisadaang manijoosh onji.

BEMAADIZIJIG ENDAAWAAD GNESH GNOWENJIGEWIN WIIGWAAMAN

Gechi piitizijig eyaajig gnesh gnowenjigewin (LTC) wiigwaaman, memdage gwa Quebec miinwaa Ontario, agii wiisgitowog gaawii dibishko zaam niibna nibowin enigokwaag: 81% owi ashewizo-aakoziwin endowendaagwog nibowin zhiwe Gaanada – megwaach gwa niizhing minik megwaach newen aanin myaajiiygikin inaakaneziwinan. MSF nda'gikenjigewinan newen niiwin LTC wiigwaaman (ezhi gikenjigaadeg CHSLD odi Quebec) odi Montreal agii mbinaanaa-aan newen etemigag agaa madookdaagiwaad bemaadizijig zhiwe yaawaad:

- Nondesemgag gwayak gnowendiziwin nikaaziwinan (PPE)
- Mangadeyaag bwaanawitong awii ozhisijigaadeg IPC inaaknigewinan
- Enkiitaagejig nondesewaad
- Gaawii shpaamendaagozinag newen inendamowin mina yaawin menziwaad endinizijig zhiwe, inodewiziwinan miinwaa enkiitaagejig

Gaawii debsesinag IPC inaaknigewinan agii iniwe-diziwog enkiitaagejig miinwaa endinizijig owi miniiwisewin, ani temigag enkiitaagejig gaawii maamda awii nikiiwaad zaam owi onji aakoziwin miinwaa aabwetaniwaad awii nakiwaad Zhichigewinan miinwaa inodewiziwin nibwaachidiwinan agii nigasijigaadenon. Kina ninda e'aanjisemigag bichi-aawong naazhisemigag yaakozijig naagdowenjigaaziwaad miinwaa woshme njike ayaang, maagwemigag woshme wewiib wiyaaw miinwaa inendamowin naazhisemigag aanin zhiwe endinizijig.

04



© DC Studio/Adobe Stock

Aanowi gwa gmaaminig inendamowin mina yaawin agii tenoon maage maajitaamigag miinwaa gaawii gego wewiib ndowendaaggwog gichi niizaanag nanaginiwin, MSF agii nakwetamog newen gaa-onangizowin gagwedwewinan onji owi mina bimaadiziwin naagdowenjigewin e'nankijig. Owi MSF waaji nakiindijig naagaanzid agii wiji'ewog owi waasamo-asabi nakweshkidaadiwin owi Gichi Kiing Mashkikiinwog/ kwewog, miigweng waawijii-ejig aasgaabiwitaagewin owi madookiiwaad gikendamowinan agaa gikendamowaad nakiwaad maziwe kamig aakoziwin temigag, miinwaa nakwetamowwad gagwedwewinan. Gagwejitoong awii gagwekwenjigaade woshme gnesh aasgaabiwitaagewin, gewe waajinakindijig agii nendarog awii niindaawewaad newen dnowaa gagwedwewinan odi MSF ado giigidowin gagwedweng enji dazhinjigeng. Amiidash owi onji, MSF agii miigwewog dibaajimowin gewe niigaan enkiitaagejig miinwaa gewe aanin enkijig zhiwe LTC odi Ontario Gnesh Gnowejjigewin Wijiindiwin etowaad ensa biboon, waasamo asabi mazinaatesijigan 2020 apii.

MINA BIMAADIZIWIN GNOWENJIGEWIN MIINWAA NIIGAN ENKIITAAGEJIG

- Woshme iniwe-idowizin ginwaabmdaanaa-aa owi COVID-19 miinwaa ashewewin, woshme shpaamigag giishpin nondesimigag gagwek miniiwisewin naagdowenjigaadeg miinwaa PPE.
- Aabdek naagidowendamang nowonj inamjiwinan e'digosin, nishiwanendamowin, gwiiniwinendamowin miinwaa gnimaa madookdaagewin owi naajichigaaziwaad niibna yaakozijig epiichi temgag aakoziwin mogsemigag.
- Nankiing owi yaabajibideg, gichi zinagendaaggwog nakiwin owi gnimaa owi zaam nakiwin.



© Jaime Wah/MSF

Toronto dibinoshanang wiigwaam agaa ginowaabmdamiwaad MSF owi onji IPC giikimigewinan

AANJI-NAAGWOG OWI BAMIBIDECHIGENG ZHICHIGAN

Owi owi nanaginiwin agii ani maajiishkaamigag, MSF ado bamibidechigeng zhichigan agii ani aawan owi gagii kindiwin aasgaabiwitaageng zhichigan. Owi MSF waajinakiindijig agii miigwewog waasamo biiwaabikons aasgaabiwitaagewin newen nowonj wijiindiwinan miinwaa odenwinan.

Aasgaabiwitaagewin agii digosin gichi niizaanag zhiitaang, miziwe kamig aakoziwina inaaknigewin, IPC giikimigewin, awii temgag inaaknigaadeg miinwaa zhichigaadeg gichi niizaanag mashkiki aabajichiganan.

MSF Gaanada agii bimibidetona-aan waasamo-asabi nakweshkidaadiwinan memdage gewe niish besidaajigejig Gaanada ado Giizhaa Agaa Yaajig odenwinan miinwaa MSF ado East African Association. Waajinakiindijig wijiiji-ewin age agii ginonaawaan owi waajiindijig LTC wiigwaaman miinwaa miziwe Gaanada wijiigaabiwitaadiwin newen wijiindiwin enkiitamowaad awii akwaasemigag gwiiniwidaang.

Nakwechigaadeg owi nondesemigag awaa nakiitaagejig zhaazhiga eyaamijig nagijitowin mogwemigag aakoziwina miinwaa IPC nigajitowin, MSF Gaanada giizhaa agii bimibideton owi aagizhegaaziwaad MSF-negijitojig enkiitaagejig zhiwe Gaanada newen niigaan enkijig wijiiji-ewinan e'digosine owi Canadian Red Cross, McGill University Health Network, ICHA, Nunavik Health Services, miinwaa Sioux Lookout First Nations Health Authority.

MSF age zhitonaa-aan niibna dabizhiganan zhiwe Toronto ado dibinoshanang wiigwaam zhichigewin miinwaa Montreal ado LTCwin, miigwewaa dibaajimowinan miinwaa giikimigewinan.

WENAAMJIGANAN ONJI MSF ADO BAMIB-IDECHIGEWIN AGAA ZHICHIGEWAAD



ONAABIDIN-GIIZIS

ONAABIDIN-GIIZIS 25

MSF Gaanada onaakinigejig agii minwaabmdaanaa-aan COVID-19 nankiwinan zhiwe Gaanada

ONAABIDIN-GIIZIS 30

MSF agii miigwenan mazinbiiganan owi 400 minik nibaaganan dibinoshanang zhiwe Toronto ado Better Living Centre miinwaa miigwemigad Gichi Zhiwebak giizhiitaang awii Waabmjigaadeg Aanjisemigag miinwaa waajiindwijig zhiwe Nunavut

ISKIGAMIZIGE-GIIZIS

ISKIGAMIZIGE-GIIZIS 13

MSG miigwen waasamo biiwaabikons aasgaabiwitaagewin gewe Sioux Lookout First Nations Mina Bimaadiziwin Nyaagdowendamjig

ISKIGAMIZIGE-GIIZIS 14

MSF ginonaa-aan Fort Hope owi IPC miinwaa waasamo biiwaabikons giikimigewin

ISKIGAMIZIGE-GIIZIS 15

MSF debinaawaad enkiitaagejig gewe ICHA, Nunavik Mina Bimaadiziwin Zhichigewinan miinwaa Red Cross

ISKIGAMIZIGE-GIIZIS 16

MSF miigwenaa-aa waasamo biiwaabikons aasgaabiwitaagewin miinwaa machisag masinibiigaadeg awaa zhinaagwog owi ISC ado Blue Med Tent zhichigewin

ISKIGAMIZIGE-GIIZIS 17

MSF miigwenaa-aa waasamo biiwaabikons aasgaabiwitaagewin newen Independent First Nations Alliance

ISKIGAMIZIGE-GIIZIS 21

BLC nankiwinan agii nigaaejigaademigad zaam odena wijiindiwinan miinwa Gichi Odona Toronto nawaj minwendaanaa-aan gabeshii gamigon wenaamjigewinan

ISKIGAMIZIGE-GIIZIS 22

MSF zhiton IPC dabizhigan owi Four Points owi Sheraton COVID-19 enji aabiziishinang zhiwe Toronto

ISKIGAMIZIGE-GIIZIS 24


MSF miigwenaa-aa waasamo biiwaabikons aasgaabiwitaagewin owi bemaadizijig Care Communities LTC wiigwaam

ISKIGAMIZIGE-GIIZIS 26-28

MSF Montreal waajinakiindijig dabizhaanaa-aan niiwin CHLSD. Gagiikimigewinan agii niindaawen odi Centre Intégré Universitaire de Santé et de Services Sociaux

ISKIGAMIZIGE-GIIZIS 28-30

MSF agii dabishaanan nisiwe Toronto dibinoshanang wiigwaaman. Dibaajimowinan miinwaa gagikimigewinan agii miigwem



Waajii-ejig owi MSF COVID-19 nankiiwin waajii-ejig agii nakweshkaadwog waasam-asabi biwaabikonsing.

ZAA GIBAGAA-GIIZIS

ZAA GIBAGAA-GIIZIS 5

MSF aasgaabivitwaan ISC, zhitowaad COVID-19 Zhinomaagewin owi Waanji Temigag Inaaknigewin, awaa Zhinaagwog miinwaa Aabajichiganan miinwaa Nikaaziwinan owi Geskina mbisemigag Mashkiki Aabajichiganan miinwaa debinaawaad enkiitaagejig gewe Red Cross odi Quebec

ZAA GIBAGAA-GIIZIS 15

Toronto nankiiwin gibaakogaademigad miinwaa Quebec Emco gwayaknondiwin giizhiitaamigad

ZAA GIBAGAA-GIIZIS 22

Niizhwaaswi MSF Gaanada negidendamajig enkiitaagejig (minzhamiwaad miinwaa bemibidetojig) agaa aangizhechigaazijig owi McGill University Health Network

ZAA GIBAGAA-GIIZIS 27

IPC waasamo-asabi biwaabikong Dibaajimowin (Zhaagnaashiimiwin) agii giishchigaade

ODEMIN-GIIZIS

ODEMIN-GIIZIS 4

MSF miigwenaa-aa miziwe-kamig inaaknigewin gewe Wabigoon Lake Ojibway Nation miinwaa giishtonaa-aa owi mashkiki aabajichiganan IPC waasamo-asabi biwaabikong Dibaajimowin (Zhaagnaashiimiwin)

ODEMIN-GIIZIS 9

IPC maamowi dinaangidoniwin giigido biwaabikonsing gewe Mina Bimaadiziwin Naagaanzijig onji Grand Treaty #3

ODEMIN-GIIZIS 16

Mashkiki aabajichiganan maamowi dinaangidoniwin giigido biwaabikonsing gewe Mina Bimaadiziwin Naagaanzijig onji Grand Treaty #3

ZAA GIBAGAA-GIIZIS 29 - ODEMIN-GIIZIS 22

MSF agii dabishaanan niiwin Toronto dibinoshanang wiigwaaman. Dibaajimowinan miinwaa gagiikimigewinan agii miigwem

MIIN-GIIZIS

MIIN-GIIZIS 7

Nikaaziwinan maadokiim owi Migrant Workers Alliance & Migrant Rights Network

MIIN-GIIZIS 8

[Covid-19 digoshinang bakiiginigan giizhichigaadeg](#)

MIIN-GIIZIS 15

MSF adankiwiiniwa zhiwe Gaanada giizhiitaamigad

ANI GIIZHIITAANG

Ahkwaan nisa giizis owi ginwaabmdamaang COVID-19 aasgaabitaage nankiiwin zhiwe Gaanada, miinwaa makwenjigaadeg newen menezing zhiwe ndo miziwe kamig akiing nankiiwinan, MSF agii giizhendam awii ani naazhinamiwaad miinwaa ani giizhitowaad e'nakiiwaad zhiwe Gaanada.

Owi Canadian COVID-19 gichi niizaanag niigaanendaagwod zhichigewin mashkikikeng bikaandendiwin zhiwe Gaanada agaa temigag jibwaa owi miziwe kamig aakoziwin. Gewe endaajig odi bigod kamig yaa-aabi nakweshkaanaa-aa maanendaagwog awii debinigaadeg e'nishing gaa-izhi-andawi'iwed mashkikiwinini naagodowenjigewin. Niibna odenwinan yaa-aabi waabmdaanaa-aa maanedaagwokin nitam mina bimaadiziwin naagadowenjigewin miinwaa nendowendaagwgo, dibishko gonaan baanaagimig nibiish.

Canadians genwaabmdamiwaad zinagziwinan debinamiwaad mina bimaadiziwin gnowenjigewin zaam owi onji giiwaadendaagwog, debisesinag maage gego tesinag daawin maage bigojiwiiing endinakiing yaa-aabi niizaanziwog.

Boochigwa etemigag miinwaa woshme bikaanenjigewin zhiwe Gaanada, gaawii minezisiim MSF memdage ado nigajitowin nongo megwaa. Megwaa temigad miinwaa megwaach ado dowendaagwod negidendamajig enkiitaagejig (memdage gwa IPC nagadendamowin) owi niigaan ani aawongs, age ani niindaawewaad newen aanin niigaan gaabiwijig enkiitaagejig Canadian nankiiwinan.

Memaanjimizijig enkaaziwaad enji giziibiigizheng miinwaa miizii naagan agaa zhisijigaadeg odi Better Living Centre, Toronto.



© Jaine Wah/MSF

GIKINAAMEGEWINAN AGAA GIKENJIGAADEG NEWEN MSF ADO CANADIAN NANKIIWINAN

NONDESMIGAG DIBAAABIJIGEWIN

MSF adinkaazan gichi aakoziwini dibaabijigewin awii naigidowaad mogsemigag aakoziwini miinwaa nisidwaamjigaaziwaad nenizaanzijig bemaadizijig miinwaa apii temgag. Maanda naadmaaginnaa awii godaakwaadamaang mogsemigag aakoziwini nakwetamowinan, maagsegin owi bemaadizijig meneziwaad. Ensa bezhi gwa Gaanada ado 13 akiins miinwaa waasawekamig mina bimaadiziwin zhichigewinan nenijke nakiwog miinwaa maandonaanaa-aa gikendamowin bkaan nikiiyaa, d'digoyaajig aanin Giizhaa Agaa Yaajig odenwinan eyaamijig debendamowaad mina bimaadiziwin naagaanizijig. E'maandonigaadeg dibaabijigewin gaawii zhichigewinan maadookiisiim newen akiinsan miinwaa odenwinan. Maanda gebaakising dibaabijigewin myaandonigaadeg aawan owi dibaabijigewin gewe woshme e'niizaanzijig bemaadizijig gaawii giizhaa tesno. Dibishko gonaa, akiin dibishko gonaa U.K. miinwaa U.S agii miigwenaan-a dibaabijigewin e'waabmdowemigag aarin naasaab eshinaagozijig woshme gaawi dibishko bekaansijig awii zhi'oomigag miniiwisewin, aakozii gamgong biindigewaad, miinwaa nibowaad onji COVID-19. Maanda dnowaa gaawii agaa maandosijigaadesinag dibaabijigewin e'digosing naasaab ezhinaagozijig miinwaa maamawi-inakaaneziwinag gaawii agii tesno epiichi temigag MSF ado nanaginiwin. Miziwe Gaanada COVID-19 dibaabijigewin e'nowendaagwog gewe gekenjigaaziwaad e'niizaanziaad waajii-ejig dibishko gonaa gewe gaawii eyaanziwaad awaa daawaad, yaanjijig awii nakiwaad, Yaajigaadesinag maanda dnowaa gikendamowin, zinagad awii wenaamjigaadeg nendorwendaagwog miinwaa mazinchigaadeg e'ginwaabmdamiwaad zhichigewin.

Niibna-nching gwa owi e'waabmjigaadeg aawan kina maawinjising dibaabijigewin miziwe kiinsing miinwaa gaawii erinowaabmjigaadeg, memdage gwa zhiwe odenaang.

GIKINOMAAGEWIN

Myaandonigaadeg dibaabijigewin adaa maadookiim Giishpin bemaadizijig gikendamowaad ngoji oshki ingodokaan Newen aakoziwinan owi aakoziwimanjoozhens enji swechkaamigag, woshme adaa zhichigewog awii gnowendiziwaad, memdage gwa zhiwe endinakiiwaad miinwaa enji nakiwaad. Odeniwing dibaabijigewin memdage minwaabidad ani ekwaasemigag owi mogshkaamigag aakoziwini, zhiwe egaaching indodokaanan abi mogsemigag apiichin, miinwaa age bigod-kamig odenwinan ado gajitowiniwaaw awii gagwiidinamiwaad maage niisanamiwaad nakwetamowinan dibaamdamiiwaad owi iniwe idiziwin.

NONDESEMIGAG BIMINZHIGAADEG MIINWAA NGADENDAMOWAAD NIIGAANWIJIGEWAAD

Owi MSF ezhi gikendamowaad, wewiib gwa mogsemigag aakoziwini waawiinjigaadeg gagwejikazhiwem owi wewiibtaang Wewiib, wiji nakiindiwin nakwetamowin adaa nigasijigaade owi svechkaamigag owi aakoziwini miinwaa zhaabiwiitoong niibna bimaadiziwinan.

Apante gwa owi SARS agii mogsemigag 2003 apii, Gaanada agii maajitaawog zhiitaawaad miinwaa zhitowaad maziwe kamig aakoziwini gjizhiitaang inaaknigewinan. Ninda inaaknigewinan agii maziinibiigaadenon awii zhisijigaadeg newen bookinigaadeg aki agezhi wiji nakiindiwaad awii gagwekwendaagwog weweni wiji nakiindiwin minwaa naasaab yaawong mina bimaadiziwin e'nakiwaad owi maziwe kamig aankoziwini awii nakwetamowaad. Aaniwi gwa ninda mazinigin temigadon, agii waamjigaade ninda maziniginan gaawii agii ndakenjigaadesino maage zaam gete aawinon.

Miziwe Gaanada inendamowin mina yaawin niizaanag nakwetamowin mazinibiigan age dowendaagwog awii aasgaabawitaagaaziwaad nekwetamajig miinwaa odenwinan e'madookdaagaaziwaad kina dnowaa niizaanag. Bezhig wiji nakiindiwin gashkitowin miziwe Gaanada inin maanendaagodon zaam mina bimaadiziwin niigaanziikigaadeg odi kiinsing, waasawekamig miinwaa Gichi Gimaa gamigon. Bkaan agii aawinon owi nikiiyaa COVID-19 maziwe kamig aakoziwini agaazhi bimiikigaadeg odi British Columbia apii aawechigaadeg owi Ontario miinwaa Quebec, dibishko gonaa giikmigeng awii bebaayaan epiich aawong Onaabidin-giizis kwe boontaang, woshme besha wiji nakiinding owi mina bimaadiziwin nyaagdowendamajig miinwaa LTC bimiikigaadeg, woshme mengidewaaq ndaakenjigewin aabajikaaziwin miinwaa njike ondinigaadeg miinwaa abi onjibaamigag PPE bkaan ngoji dash owi gichi gimaa ondinamowaad zhichigewin.

GIKINOMAAGEWIN

Bemiikigewji adaa ndagikendaanaa-aa miinwaa aanji bii-aanaa-aa ado maziwe kamig aakoziwini inaaknigewinan owi miinwaa awaa temigag(ikin) miinwaa nakiitamowaad owi inendamowin mina yaawin gewe naagaangaabiwijig enkiitaagejig. Miziwe Gaanada inendamowin mina yaawin niizaanag nakwetamowin mazinibiigan age dowendaagwog awii aasgaabawitaagaaziwaad nekwetamajig miinwaa odenwinan e'madookdaagaaziwaad kina dnowaa niizaanag.

Epiichi temigag IPC waabmdamiwaad owi temigag zhiwe Toronto, agii gikendaagwod gaawii agii debisesiwog IPC negijitojig zhiwe kina bemaadizijig mina bimaadiziwin nankiwin. Niibna IPC waaji-nakiindijig onji aakozii gamgon agii gagaandinigaaziwog awii aasgaabiwitwaawaad endinakiiwaad LTC wiigwaaman miinwaa dibinoshanang wiigwaaman zhiibiigshkaamigag ado gashkitowiniwa. Owi Bemaadizijig Mina Bimaadiziwin nyaaggdowendamjig enendamowaad gaawii agii gagwedwesiim newen mazinbiigaadeg age zhinaagwog gibaakogoong dibinoshanang – meshko dash, Dibinoshanang, Aasgaabiwitaagewin miinwaa Wiigwaaman Niigaanzinwin agi diba-aanaa-aa, zhitowaad ekwaa giizhendamowin owi bemaadizijig mina bimaadiziwin debendamowaad.

GIKINOMAAGEWIN

Epiichi temigag maziwe kamig aakoziwini, kina enkijig aabdeg ada nakiwog miinwaa maamowi ginondiwog newen myaajiishkaachigaadegin onji dash kina gwaya maamowi yaawog miinwaa gajitowinan gaawii ada niizhoshisinan. Wiiji nakiindiwin dowendaagwog ensa anikesing – kina kiing, kiinsing, waasa-wekamig, akiing bakwenigaadeg miinwaa odenwin – gaawii goweta awii zhichigaadeg inaanigewin giizhendamowinan eta gwa naadmaageng zhinomaagneg miinwaa zhisijigaadeg owi nakwetamowin.

WANASHKWECHIGAADEG DEBINAMANG OWI MINA YAAWIN NAAGDOWENJIGEWIN

Epiichi temigag MSF ado nakwetamowin owi Ebola mogsemigag zhiwe West Africa miinwaa owi Democratic Republic of Congo, ngii waabmdaanaa gichi giigisemigag minik nibowin owi newen age nigaadziijaadegiba miinwaa age naadowichigaadegiba aakoziwinan zaam goweta gewe bemaadizijig gaawii agii gashkitosiinaa-aa awii zhaawaad gagwech newen mina bimaadiziwin wiigwaaman. Zhiwe Gaanada, owi COVID-19 maziwe kamig aakoziwini agii ani aawan debinigaadeg nendowendaagosinag bigoijiingowin naazhinigaadeg maage nigaadziijaadeg, endodaagemigag maanaaji mina yaawin, memdage gwa gaa-zanagak aakoziwini eyaamjig.

GIKINOMAAGEWIN

Aabajisemigag mina bimaadiziwin zhichigewin miigweng gichi piitendaagwod zaam minik giizis nigaasemigag ada ani aawon maaniji zhiwebak. Owi MSF adnakwetamowin newen mogsemigag owi gichi-aakozi omisadaang manijoosh onji miinwaa miskwanzhe, waankii debinigaade newen mina yaawin gnowenjigewin waankiisijigaade miinwaa nikaazang newen bekesijigaadegin dabizhigan miinwaa naandowechige wiigwaaman zaagijiwing newen gagwech mina yaawin zhichigewinan. Maanda miiwishkaan gnimaa bichibowingaadeg aanin bkaan mina yaawin etemigag miinwaa enkiitaagejig miinwaa gagwekwendaagwod etemigag mina bimaadiziwin

zhichigewinan gaawii zaam nishwanendaagwog miinwaa aabaji bamibidemigag. Nakiichigaadeg zhiwe bkaan ezhinaagwog, gaawii naanaagwi-wiing ezhinaagwog owi mina bimaadiziwin miigweng adaa gnowaabmjigaadenon, dibishko gonaa giigido biiwaabikonsing mashkikiikeng, endaang nibwaacheng miinwaa daabaaning onji miigweng mashkikiikewin, giishpin giwwajibijigaadeg newen mina bimaadiziwin zhichigewinan gashkitosiing awii miiwishkigaadeg.

GIIGISEMIGAG NIIZAANZIWIN GEWE ENKIITAAGEJIG ZHIWE MINA BIMAADIZIWIN ENDAZHIIKIGAADEG

Gaawii gagwek biiskigaadesinag, biiskamang miinwaa giishkamang owi PPE miigwemigad memaanjig niizaanag gewe enkiitaagejig miinwaa waaji nakiimaawaad zhiwe mina bimaadiziwin yaawong.

GIKINOMAAGEWIN

Gikinomaadiwin miinwaa mashkosijigaadeg owi aakoziwimanijoozhens nikiiyaa ezhii aankesijigaadeg miinwaa IPC inaakinigewinan gichi piitendaagwodon gaawii goweta maashkiki enkiitamajig. Baanchigejig, bemibizochigejig, nyaaggdowenjige enankijig, bemiwidaasijig miinwaa nakiigamig enkiitaagejig adaa nisastaanaa-aa e'zhichigewaad awii gnowendiziwaad miinwaa gewe bkaan bemaadizijig owi aakoziwimanijoozhens. Giishpin enkiitaagejig dowendaagoziwaad awii biiskamiwaad PPE weweni nisastamowin owi onji miinwaa apii dowendaagwog awii biiskigaadeg ensa bezhig nikaasiwin enji dowendaagwog. Gikendamang owi nikiiyaa wiigezing biiskigaadeg miinwaa giiskigaadeg gichi piitendaagwog.


Gnowenjigaadeg owi inendamowin mina yaawin gewe enkiitaagejig naasaab azhi gichi piitendaagwog owi wiiyaw mina yaawin. Mina bimaadiziwin gnowenjigewin enkiitamajig aabe awii nakiwog owi myaanendaagokin owi COVID-19 enji nakiing, aasgaabiwitwaawaad e'zegendamajig yaakozijig owi yaasigwa Nebwaachejig, megwaa naagdowendamowaad ado zegendamowin miinw znagendamowin owi iniwe waa-aad ado inodewiziniwa owi aakoziwimanijoozhens. Inendamowin basaabagag gagwedinigaade ensa giizhigag. Ani piichaamigag maanda adaa zaami-aawon aanin awii bimonjigaadeg.

GIKINOMAAGEWIN

Inendamowin ntam naadmaagewin miinwaa inendamowin mina yaawin aasgaabiwitaagewina aabdeg adaa temigadoon gewe mina yaawin enkiitaagejig nekwetamowaad owi COVID-19 maziwe kamig aakoziwini, dibishko nikiiyaa yaawong bkaan aanin gichi niibna nibowaad zhiwebikin.

Debwewin: Enji nibaa-aang agii zhisijigaade odi Better Living Centre, Toronto.





Owi COVID-19 miziwe kamag aakoziwin agii maanenjigaaziwog waawaaj gwa newen memaanji nishing mina bimaadiziwin zhichigewinan, e'digosin maampii Gaanada. Aawong bemaadizijig naadmaagaaziwaad nankiiwin gagwej gwa bemibideg zhiwe nondesmigag naadmaagewin temigag, MSF ado nanaginiwin zhiwe Gaanada gaawii gagwech agii aawizino. Owi zhewendamang, ndo nanaginiwin agii dowendaagwog owi onji MSF ado gichi nigadinakiwin owi maziwe kamig mogsemigag aakoziwin nakwetamowin digosing newen aanke zinagag newen iniwe-idiziwinan gewe aanin bemaadizijig biinjiwiing Gaanada. Aanke apiitendamaang memdage agii aawon giikimige-aang miinwaa nimaamiikwendamami agii gashkitowaang awii naadmaage-aang owi nikiiyaa bangii owi Gaanada ado miziwe-kamig aakoziwin nakwetamowin.



Doctors Without Borders / Médecins Sans Frontières (MSF) Canada
551 Adelaide Street West, Toronto, ON, M5V 0N8
<http://www.doctorswithoutborders.ca/>